

元人文集 上卷

元
代
史料
叢刊
初編

黃山書社

秋澗先生大全文集卷第九

七言古詩

潯沱流澌行

馮征西傳云世祖自薊馳至饒陽蕪婁
亭南渡潯沱入信都王將軍霸稱水堅
可渡慶今鼓人指縣東北龍華鄉故河
道曰全渡者即其處也且以饒陽取直
趣異其經鼓縣東界無疑但河自牧國
庚午徙縣南行流問諸父老云今七十
有一年矣春秋鼓聚在令縣西五里廢
城尚在今曰下曲陽者是也至元庚辰
夏余按部是州士子張春卿者請余紀

其事因爲賦此

王郎何人著拓黃欲與赤伏爭翱翔漢炎中斷天復
熾肘後頑石胡爲光蕭王揮戈指幽薊戰血滿野風
塵蒼莽兵返得市人喙當時南馳亦蒼皇爲鞬城東
溥水長北風烈烈天雨霜前驅候騎兩失色河雖流
斷無可舫菟肩麥飯未下咽大冰橫合堅於梁古稱
王者阨不死淮陵一言殆天使赤龍已渡凌四關白
魚躍舟未逾此壇亭王氣如水清妖昔邯鄲死灰耳
彼蒼有意開真主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野煙生綠樹留在長河閱世人萬古朝宗
浩東鷺

布穀辭

按部饒陽行次劉楚馬上聞布穀偶得
此辭

寒涼朝雨濕耕隴離離引纜直一聲布穀動前
耒相望竟朝夕良苗芟芟入我鋤結舌深潛綠
陰密田家衣食仰堪與一勤之外初無餘嗚呼禽鳥
司農務勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖
啄食公私間遼野爲蕭條嬉飽摩高空遠觀聳盤鷗
不憂穴破老妖死惡聲向人恣喧囂正爲腐鼠嚇有
鬚無廼療病鷗困孤擊霜秋此其朝我病非苦饑我

困非爲調跼跼兩翅坐使窺雲霄老拳固有利不利搏逐之志常超遙倘不與之護返爲物所憒主人一呼良未報不緣自獵矜風標會當攫六惡併驅若類直出六合分鸞鳥錦鞬脫落青絲條

鴻鴈歌爲馬仲溫求娣賦

膠船幸脫長河津朔風慘慘吹兵塵天摧地圯井峪易骨肉離散如驚麕吾宗積德僅不死有淚空洒天街雲歟傳伯娣落斤漳女固有行遠茅昆怙恃旣失寧復得得見女嬃如見親最虞身在墮羈縲彼此契闊尤酸辛累糧物色不憚遠西走懷洛東羸秦眼穿足繭幾萬里歲月荏苒三十春竭來古鄆天假便鴻鴈遽接秋風群相看喜極淚如雨恍若夢裏招離魂

軒軒喜氣溢須勾此事希有爭謹聞金鸞誥書五花
文紫藤肩輿繡羅茵馬君初非羨此樂一念有在明
天倫君不見守真祿養殆常事慎矜毋奉宜相隣高
平王氏觀津馬兩族丕顯全親恩更因識姊表宗系
衰俗乃爾逢斯人爲君滯毫紀孝愛要使竹帛流清
芬

健兒歌贈李裕卿

南來見君喜殊常不爲秩滿身精強掌中擎出一珠
新大覺門戶生輝光此生抱弄萬事足脫景雖迫心
無遑頭圓骨緊眉目爽已解顧語呼爺娘阿宜自是
樊川秀剝備詩書滿百箱

贈滑州龍教授取新

蜀山相繆鬱蒼蒼龍君來自西南方馳聲場屋少年
事筆底秀色翻巴相滑臺一落三十載冉冉青鬢今
秋霜勅書在手無所得坐老茆屋青衿庠榻來聞君
擅術數萬有飛跳天星光方圖遽說賸蘊奧解我中
熱心遑遑又聞天人本一致物欲將至先開祥紫垣
昨夜動光彩進賢奕奕三台芒書生薄命何足道此
去蒼生得小康

馬天章畫廬山清曉圖

平生愛讀廬山高不識廬山何面目眼中忽墮此山
眞萬疊蒼煙彭蠡曲江南地卑苦炎蒸暖翠濃嵐氣
多鬱馬卿幼作清曉圖特爲千峰濯秋骨恍疑坐我
瀑流下淨盡煩襟貯清淑何當杖履東林游一搏共

吸江山醪

放猿詞

南爲提刑副使程介
作有齊虎俯仰

霜林萬葉翻朝紅
狙夢到秋巖重幾年
胥靡辨兒
劇物失本性心爲忡
主人誰似俯仰翁
放之遠野將
何從封龍雲深洞
穴暖東山之西西
山東衝煙嘯月
恣汝嬉曉驚無復
山人扉歸時物情
喜兩適豈爲尔
心知不知

田家謠

九旼九十八年
作

君不見訖干山頭雀
翔集止其所正緣生
處樂凍死不飛去
人生重鄉情疇非戀
吾土丘壠蓋世守耕
鑿自父祖一旦委之
去倉皇事羈旅豈不
知朝辭弊廬空暮宿
何人塢身負逋逃名
比訣心良苦我本耘
田

客挨排爲主戶歲無僭石儲日有箕歛聚刻肌醫却
眼前瘡肉至無剜瘡愈腐支持非一朝窘至空極楚
東隣匠色日優游西里征家厭溫飫平時皞皞等王
民一苦一甘遽如許兩淮悠悠田四開差徭不及無
天災比之老雅轉溝壑一飽而死猶春臺水深林茂
魚鳥樂此雖古語爲時哀可堪大府督州縣親臨之
官胡爲哉我初聞言爲嘆息天網恢恢疎不失只今
六合混一家此雖遠邈何所適但思逋負洒餘民似
此披軼轉瘦極

素馨辭 并序

五代漢劉隱女曰素馨死其墓生花甚
香因以女名目之後人削降香作薄株

以此花蒸之及藝比本品極清遠無濃
重勃鬱之氣顏公仲復謂余試之誠然
作是辭以紀其異

紫檀爲屑世所珍降香變體吾未聞漢宮有女號素
君歿而墓花香若薰降檀氣味多濃鬱蒸以素馨清
且淑顏公袖出赤龍鱗入手如游衆香國夜深一柱
雲滿室素馨之魂降鶴骨君不見西施苧蘿山下子
膏沐深宮轉清美一朝吳亡隨范蠡隣女效顰終莫
疑素馨得名從此始

宣和寶墨歌

贈顏提點仲復

宣和殿深春晝長老微宸翰昭回光黑卿入奏少許
可追逐五李參三張猶卑古法出新意萬笏細搗和

龍香宮鴉借色翻朝日三十六宮香霧濕鳳飛龍舞
九天來雙影盤盤落玄壁流傳人間今幾春顏公得
之知所珍有時一勺試曹溪翠研靈霄看玄雲錦囊
舉世爲寶玩阿知尤物反玩人以茲過客目有厲重
似連壁輕埃塵厖肩書客秋澗子老不道進技乃伸
右軍筆端有陣法需此甲首方通神作謔一笑師應
聞

寶鼎歌贈開元僧法恒

僧回來自勾吳天袖携寶鼎心欣然遠遊萬里無長
物愛此古色暈碧玉有煙土華千年不敢啗灰底錚
錚堅比鐵雲雷繞腹走神光兩耳孤撐伸蠅屈我
初驚見心魂動老眼增明喜生頰憶在王堂觀博古

此鼎依帑冠周譜摩挲龍款四十九王自成周徙居
楚細看云是季妘彝享錫臣交無乃祖君不見殷盤
夏鼎令何有此物區區歷年久供佛牀頭夜壑深一
旦胡爲落吾手斯文三代周爲郁孔意姬情子素守
嗜心旣至開有先夜半燈前負之走僧恒拊掌喜有
歸却恐御王怒如吼

義俠行 弁解題

予爲王著作劍歌行繼更曰義俠或詢
其所以因爲之解曰彼惡貫盈禍及天
下大臣當言天吏得以顯戮而著處心
積慮一旦以計殺之快則快矣終非正
理夫以匹夫之微竊殺生之柄豈非暴

豪邪不謂之俠可乎然大姦大惡凡民罔不懲又以春秋法論亂巨賊子人人得以誅之不以義與之可乎又且以游俠言古今若是者不數人如讓之上報已私軻之廟軀無成較以此舉出于尋常萬萬也凡人臨小利害尚且顧父母念妻子慮一發不當且致後患著之心孰爲不及此哉然所以略不顧籍者正以義激於衷而奮捐一身爲輕爲天下除害爲重足見天之降衷仁人義士有不得自私而已者此著之心也何以明之事旣露著不去自縛詣司敗以至臨

命氣不少挫而視死如歸誠殺身成名
季路仇牧死而不悔者也故以劍歌易
而爲義俠云著字子明益都人少沉毅
有膽氣輕財重義不屑小節嘗爲吏不
樂去而從軍後與妖僧高北行假千夫
長歸有此舉死年二十九時至元十九
年壬午歲三月十七日丁丑夜也

君不見悲風瀟瀟易水寒荆軻西去不復還狂圖祗
與螫蛛靡至令恨骨埋秦關又不見豫讓義所激
身吞炭人不識劇軀止酬一已恩三荆蓑衣竟何益
至今冠古無與儔堂堂義烈王青州午年辰月丁丑
夜漢元策祕通神謀春坊代作魯兩觀卯梟已禡魯

夷猶袖中金鉞斬禹劒談笑馘取羣臣頭九重

天子爲動色萬命拔出顛崖幽陂陀燕血濟時雨一

洗六合妖氛收文夫百年等一死死得其所鵬毛轉

我知清誠取不減白虹貫日霜橫秋漸頭不作子胥

怒地下當與龍逢遊長歌落筆增慨慷覺我髮豎寒

颼颼燈前山鬼忽悲歡鐵面御史君其羞是時授南臺侍御史故云

贈僧芝庵

我吟越雞行君在西溪席軒然一笑喜相逢秋水爲

神犀挿骨西溪提筆顧余言渠乃芝庵名其籍下階

揚袂遽別去三載不聞音與迹謁來扣門忽相過促

膝高談論平昔升堂幾作獅子吼雨花散空衣不濕

近便野水洗心法塔廟龍宮如避敵南游梁園東入

魯所在英豪多舊識公材更用衆所稱風土河東見
雄碩皇皇仁義昌黎公當時救世心何亟浮屠往還
非一輩例欲加冠嗟莫及芝庵洒落澄觀流我匪潮
陽徒感激歷山風煙春事深七十二泉俱可吟一庵
靜卧挂飛錫布地不羨千黃金只緣萬象森羅妙到
處行窩是賞音

題右相文獻公畫鹿圖

明昌昇平兵四偃帝樂餘閑見丕顯時從靈囿 嘉
賓復引詞臣事秋彌風流右相東丹孫不爲丹青侍
游輦睠焉德業魏文貞下遂物宜隨氍毹泰和行宮
漢五柞榭葉秋山如繡錯鹿鳴不盡君臣歡色從歸
來寫鹿角群遶知擇美蔭遊雅馴似應騶虞作食苹